





nisi propter Bullam, ut in textu; sed postea subiungit Collectar. aliud vltum esse Bart. & multis alijs, quia certum est quod fallare si fiat est fallare litteras Apostolicas, idque propriissimè, sicut illud, in quo consistit rota virtus, & substantia; & ad hoc facit indistinctè littera dicti cap. Ad falsariorum Nec listat hæc Decretalis, quia ponit certos modos probandi falsitatem secundum eum, id est aliquos, sed non omnes, ut hic in glos. n. ac proinde cum species omnes non enumerentur, non procedit argumentum à partium enumeratione, ut est textus in l. Filius, §. Filius familias miles, juncto glos. in ver. Locum, ff. de liber. & posthum. & in cap. venerabilem, & ibi Jo. Andr. n. 18. & Abb. n. 8 supra de election. Quæ opinio facilius esset admittenda, quando litteræ essent expeditæ, vel supplicatio registrata, & soluta componenda, quia tunc non habet locum regula de non iudicando, jux. form. supplicat ut fuit pluries in Rota resolutum teste Card. Seraphin. decis. 764. nu. 4. & 5. Nec supplicatio potest lacerari ab officialibus cum eo casu sit gratis perfecta, ut dicit Rota decis. 554. n. 9. p. 5. tom. 2. in recent. unde falsitas talis supplicationis per necesse influit in falsitatem litterarum, quæ non nisi ad formam matricis, & originalis supplicationis expediuntur, ut dictum est: ac proinde est puniendus non secus ac falsario ipsarum litterarum.

35 Non obstant argumenta contraria; nam ad primum patet responsio ex jam dictis supra num. 32. Ad confirmationem respondetur: Quamvis supplicationes non sint litteræ expeditæ, quia non sunt in plumbo, sunt tamen litteræ Apostolicæ secundum Coll. Star. supradictam. n. 30. & 11. & ad inductionem Navarræ, de qua supra n. 7. responderi potest Bullam Cæcæ in ea parte, in qua loquitur de falsantibus supplicationes emanasse declarationem cap. Ad falsariorum infra eod. & sic novum jus non induxisset. Hæredes palam, §. Si quid, ff. de testament. quod inde liquet manifestè, quia in Bulla cæcæ excommunicantur etiam falsarii litterarum in forma Brevis, ut videre est in Bulla Urbani VIII. §. 9. in Bullar. tom. 4. pag. 376. & tamen certum est litteras in forma brevis verè, & propriè esse litteras Apostolicas, quæ iam erant comprehensæ in d. cap. Ad falsariorum, ut ipsemet Navarrus fatetur d. cap. 27. n. 2. vers. Tertia.

37 Ad ultimum verò, nempe ad differentias ponderatas inter supplicationem, & litteras patet responsio ex dictis supra d. n. 21. usque ad n. 32. ex quibus apparet eas ponderationes in contrarium retorqueri, maximè quando litteræ sunt expeditæ vel soluta est componenda, ut constat ex dictis supra n. 33.

DE CRIMINE FALSI.

Cap. Ad falsariorum.

S V M M A R I V M.

- 1 Falsantes per se, vel per alium litteras Papæ excommunicati sunt cum suis fautoribus, & n. 27.
- 2 Et Clerici officij, & beneficij privati sunt, & n. 38.

- 3 Item sunt degradandi, & Curia seculari tradendi, & n. 40.
- 4 Falsis litteris Apostolicis tentes, si Clerici sunt officij, & beneficij privantur: si laici excommunicati sunt, & n. 47. & 48.
- 5 Statutum valet, quo cavetur, ut quis non possit allegare illius ignorantiam.
- 6 Litteris Apostolicis uti volentes debent prius diligenter illas examinare, an sint veræ, vel falsæ, vel suspectæ.
- 7 Litteræ Papales sunt magna cum diligentia, & exquisita curiositate.
- 8 Et nihilominus in eis quasi imperceptibiles committuntur falsitates.
- 9 Litteræ gratiosæ, vel contrariæ, vel contra utilitatem publicam maiorem requirunt examinationem, quam litteræ de simplici iustitia.
- 10 Ignorantia quam presumatur in delictis, hoc tamen fallit quando debet præcedere diligens inquisitio, & n. seq.
- 11 Falsum non committitur sine dolo.
- 12 Dolus in dubio presumitur quando ex officio, vel ex natura actus prærequiritur diligens indagatio.
- 13 Ignorantia affectata, & supina quæ.
- 14 Falsis litteris utens cum ignorantia crassa mittitur puniatur, quam cum dolo expresso.
- 15 Clerici falsantes litteras Principis, seu Imperatoris quas penas incurrant, & n. 16.
- Et quid in falsantibus litteris, seu sigillis Regis, numer. 23.
- Et quid in falsantibus litteras maioris Penitentiarj, vel Nunciij aut Brevis Papæ, n. 24.
- Et quid in falsantibus litteras Episcopi, vel Capituli, ibidem, & n. 25.
- 16 Papa longè præstat Imperatori.
- 17 Iniuria aggravatur ex dignitate persone, cui irrogatur.
- 18 Delictum gravius est in personam Principis, cui delinquens est subiectus, quam in extraneum.
- 19 Lese maiestatis crimen non committitur non subditis.
- 20 Clericus natus in Terrâ Principis laici dicitur esse originaliter, & naturaliter de dominio, & ditione ipsius Principis.
- 21 Non tamen contra eum dicitur potest committere crimen lese maiestatis.
- 22 Rex habet in Regno suo iura supremi Principis, id est Imperatoris.
- 23 Exercere verbum in dispositione penali verificatur in unico actu.
- 24 Falsans litteras Apostolicas etiam semel tantum puniendus est pena huius cap.
- 25 Bulla Pij V. contra exercentes vitium nefandum an habeat locum in his, qui unice tantum vice illud committunt.
- 26 Falsantes litteras Papæ sunt excommunicati sive sint laici, sive Clerici, sive Monachi.
- Et quid in Episcopo n. 56.
- Et absolutio est Sedi Apostolicæ reservata.
- 27 Falsarij litterarum Apostolicarum, vel falsi eas fabricantes, aut supplicationes falsis signantes excommunicantur in Bulla Cæcæ.
- 28 Excommunicatio Bullæ Cæcæ, & excommunicatio huius cap. contra falsarios litterarum Apostolicarum in quibus differant.
- 29 Falsans litteras Papæ per alios an incidat in excommunicationem Bullæ Cæcæ, & n. seqq.

F. sciens

- 34 Faciens per alios per seipsum facere videtur, quod procedit etiam in delictis, & n. 43.
- 35 Item procedit etiam in statutis penalibus, quæ iuri communi non obviant, & n. seq.
- 36 Statutum puniens utentem falso instrumento locum habet etiam in utente per alium.
- 37 Falsans supplicationes manu Papæ signatas incidit in excommunicationem Bullæ Cæcæ.
- Et an incidat in penas huius cap. ibidem.
- 38 Beneficia falsantium litteras Papæ impetrari possunt tamquam vacantia.
- 39 Laici falsantes litteras Papæ non sunt ipso iure privati suis dignitatibus, & officijs.
- 40 Clerici falsarij litterarum Apostolicarum degradatione iudicis ecclesiasticis traduntur Curia seculari pena legali puniendi, scilicet mortis naturalis.
- 41 Degradationis pena de iure communi non imponitur nisi in tribus casibus hic expressis.
- 42 Clericus, qui non per se, sed per alium falsas litteras Papæ an sit degradandus, & Curia seculari tradendus.
- 43 Læcus ratione rei ecclesiasticæ falsificando rescriptum Papæ subijctur foro Ecclesiæ.
- 44 Falsi pena de iure civili quæ sit, & n. 46.
- 45 Deportationis pena, & damnationis in metallum hodie non est in usu.
- 46 Spoliatur, id est per sententiam.
- 47 Falsis litteris utentes, sunt ipso facto excommunicati, etiamsi ab illarum usu desistant infra viginti dies.
- 48 Secus in habentibus litteras falsas, quia non sunt excommunicati, si illas infra viginti dies laceraverint, vel restituerint.
- 49 Clerici falsis litteris scienter utentes an sint excommunicati.
- 50 Pena falsificantium litteras Papæ, & falsis litteris utentium sunt in triplici differentia.
- 51 Malitia magis puniatur, quam negligentia.
- 52 Negligentia crassa, & supina dolo equiparatur.
- 53 Falsis litteris utentes, & falsas litteras impetrantes, sed non exercentes per se falsitatem equiparantur.
- 54 Impetrantes per suggestionem falsitatis litteras à Papa qua pena puniantur.
- 55 Episcopi falsantes litteras Papæ non incidunt in penam huius cap.
- 56 Sunt tamen excommunicati ex Bulla Cæcæ.
- 57 Falsarius litterarum Apostolicarum etiam occultus incurrit penam excommunicationis, & privationis officiorum, & beneficiorum eo ipso, quod crimen committit, & n. 62.
- Sed pena degradationis ei insignitur tantum, si criminis sit convictus, n. 63.
- Sive per viam accusationis, sive inquisitionis, numer. 64.
- Si verò civiliter actum fuerit, minus puniatur, numero 59.
- 62 Intellectus cap. Novimus, §. final. de verb. signific. & n. 65.
- 66 De crimine falsantium litteras Apostolicas an alius quam Papa possit cognoscere.

AD FALSARIORUM. Qui per se, vel per alios litteras Papæ falsant, excommunicati sunt cum suis fautoribus; & Clerici officiis, & beneficijs privati sunt, & degradandi sunt, & tradendi Curia seculari, per quam

laici legitime puniuntur. Qui litteris falsis utitur, si Clericus est & officio & beneficio privatur, si laicus, excommunicatur. Hoc dicit Joan. Andr. Butr. Bard. Anchar. Abb. Jo. de Anan, & Mar. Socin. Dividitur in duas partes. Primò punit falsantes litteras Papæ per se, vel per alios. Secundò punit utentes litteris falsis ibi, qui vero.

Nota primo singulariter ex principio tex. argumentum, quod valet statutum, ut respectu statutorum, vel aliorum gerendorum non possit quis ignorantiam allegare, seu non profit ignorantiam, prout ex hac littera deducunt hic Abb. & Mar. Socin. in t. not. ab. & norat Bart. in l. Divus, n. 4. ff. ad l. Cornel. de falsi.

Secundò nota ibi, examinet obligationem, quam habent volentes uti litteris Apostolicis; debent enim prius eas diligenter examinare, utrum scilicet sint veræ; & tunc utantur illis si voluerint: aut fallæ; & tunc nullo modo utantur; aut suspectæ; & tunc etiam abstineant, cap. Inter dilectos, §. Verum, de concess. preben. lib. 6. & arg. cap. Ad audientiam, §. 1. supra de homicid. & cap. Cum speciali, §. Excessio, de appell. secundum Host. hic n. 6. & in cap. fin. in princip. in verb. Suspicionis, infra eod. Nam et si litteræ Papales multa cum diligentia, & exquisita curiositate fiant, ut cap. Cum ad eos, supra de rescript. & cap. Apostolica 35. q. 9. tamen in illis tales plerumque committuntur falsitates, quæ etiam prudentissimos fallerent, & quæ ne dum de facili cognosci nequeunt, sed etiam maxima, & diligentissima dilquitione inveniri, aut percipi nequaquam possunt, ut in cap. Licet, supra eodem: & notat idem Host. in summa eodem tit. §. 2. vers. Præterea usur. & post eum Marian. Socin. hic num. 29. & 30. unde nil mirum si hæc Constitutio adstringat volentes uti litteris Apostolicis ad tam sedulam examinationem. Major tamen examinatio requiritur in literis, quæ sunt de gratia, vel contra jus, vel contra utilitatem publicam, quam in litteris de simplici iustitia, cap. Accedens infra eodem, & l. Rescripta. C. Si contra ius, vel util. publ. secundum Innoc. hic circa med. vers. Item examinatio.

Tertiò nota ibi, si falsis litteris se usos dixerint ignorantur. Ignorantiam non presumi, seu non excusare, ubi non permittitur diligentia, quam quis renetur edhibere, ut in textu: quamquam enim in delictis presumatur ignorantia, ut l. Quoties, §. Qui dolo, ff. de probat. tamen hoc fallit quando præcedere debet diligens inquisitio, prout hoc casu præcedere debet auctoritatem huius Constitutionis, glos. 2. hic Innoc. in princip. ibi (Tunc non excusat ignorantia, cum non præcesserit examinatio: & hoc enim fuit in culpa, cum non examinavit, nec à peritioribus quæ sit) §. ult. 36. distinct. l. regula, ff. de iuris, & facti ignorantia, & Host. man. 1. ibi (Quod si hanc diligentiam non adhibuerint, in dolo esse videntur, sine quo non committitur falsum) l. Nec exemplum, C. Ad leg. Corn. de falsi, l. Divus, ff. eod. Butr. nu. 2. & nu. 12. ubi ait: (In his, in quibus debet diligens inquisitio præferri, præsumitur scientia, & dolus, nisi probetur ignorantia; Et sic quod in dubio dolus non præsumatur, verum est, nisi ex officio, vel ex natura actus requiratur præcedens indagatio ad actus, vel vitij illius certificationem.) Hæc Butr. Concordat. Anchar. in t. not. ab. & sequuntur cæter.

Vel certè, ut dicit glos. 1. hic, tales dici possunt affectatores ignorantia, cap. Cum inhibito, de claudis.









De Maledicis.

Cap. Innotuit.

INNOTUIT: Maledicens Papæ puniendus est, ut deinceps alij abstineant, & terreatur. Hoc dicit Jo. Andr. Ex primo ponit culpam 3 secundo puniti mandata, ibi, ipsum. Pro intellectu hujus textus vide quod scripsi in cap. Licet, n. 18. de pan.

De Clerico excommunicato deposito, vel interdicto ministrante.

Cap. Si quis Presbyter.

S Y M M A R I V M.

- 1 Depositus, vel suspensus celebrans, & monitus non desistens excommunicatur, & si nec sic desistat, per secularem proest. Item ad requisitionem Ecclesie, exilio damnatur.
- 2 Irregularis an efficiatur Clericus minorum Ordinum suspensus, excommunicatus, vel interdictus ministrando in aliquo ex dictis Ordinibus, & num. seqq. usque in finem.
- 3 Poena ubi non est statuta, non est nostrum eam imponere.
- 4 Irregularitas non incurritur nisi in casibus in iure expressis, & dicens aliquem irregularem, debet dare casum iuris.
- 5 Clericorum appellatione veniunt Clerici minorum Ordinum.
- 6 In generaliter, & indistincte loquens, generaliter, & indistincte intelligitur, nisi per aliud distinguatur.
- 7 Depositus qui a minoribus Ordinibus, sicut a maioribus, & num. 13.
- 8 Irregularis in dubio prohibetur ministrare in sacris Ordinibus; in minoribus vero permittitur dispensative.
- 9 Et in hoc casu dispenset Episcopus.
- 10 Ordinum minorum ministeria exerceri debent per Clericos celibes tantum, & in eorum defectum per Clericos conjugatos, non tamen bigamos.
- 11 Irregulares sunt Clerici ministrantes in prima tonsura, & in minoribus Ordinibus simoniacè susceptis ex Constitutione Sixti V. hac in parte non revocata per Clementem VIII.
- 12 Ordines minores, in quantum sunt Sacramentum, ordinantur omnes ad Sacramentum Eucharistie.
- 13 Et secundum se sunt sacra.
- 14 Interdictum violat qui in officio suo ministrat sicut prius, licet sit Clericus minorum Ordinum, & irregularitatem incurrit, & non, seqq. usque in finem.
- 15 Secus si exerceat aliquid non deputatum certo ordini, ut cantare Responsoria, dicere Psalmos, & huiusmodi.
- 16 Item secus si sit deputatum certo ordini, sed ex consuetudine exerceatur etiam per laicos, ut in Epistola, quæ sine apparatu dicitur per quemcumque.

ad contra n. 18. & 19.

- 17 Clerici suspensi excommunicati, vel interdicti, qui tamenquam Clerici ex officio suo exercent aliam alicui ex dictis Ordinibus deputatum, irregularitatem incurritur ex voto sacra Penitentiarie.
- 18 Consuetudo qua minorum Ordinum functiones exercentur promiscue ad Clericos, ac laicos, est corruptela à Concilio Tridentino improbat.
- 19 Monialis, vel laicus non possunt canere Epistolam, & Lectiones in Missa solemniter, & si necessitas urgeat, consulendus Sanctissimus exsententia sacra Congregationis Concilij.
- 20 Regulares comprehenduntur in decreto Conc. Tridentini sess. 23, cap. 17, de minorum Ordinum functionibus non exercendis nisi per Constitutos in eisdem Ordinibus.

SI QUIS PRÆSBYTER. Degradatus, vel suspensus celebrans, & monitus non desistens excommunicatur; & si nec sic det fistat per secularem in potestatem ad requisitionem Ecclesie exilio damnatur. Hoc dicit, secundum Jo. Andr. & omnes.

In textu ibi, Aut alius Clericus. QUÆRO. An Clericus minorum Ordinum suspensus, excommunicatus, vel interdictus ministrando in aliquo ex dictis Ordinibus, irregularitatem incurrat.

Ad partem negativam arguitur, quia Canones, qui in contrarium allegantur, ut hic, & in concordantibus, infra citandis, quod pertinet ad irregularitatem, videntur restringendi ad constitutos in sacris, de quibus loquitur cap. 1. supra eod. & cum nullum jus expressè dicat Clericum inferioris gradus citra sacros excommunicatum, vel suspensum, aut interdictum in ordine suo ministrantem irregularitatem incidere, nec nos ex capite nostri hoc penam inducere debemus. Primum, quia ubi pena statuta non est, non est nostrum ipsam imponere, Et si quis, & Et generaliter, ff. de Relig. & sumpt. funer. l. 2. §. Non perpetuo ff. de Sepulchro violato. Secundo, quia irregularitas non incurritur nisi in casibus in iure expressis. Unde qui dicit aliquem irregularem, debet dare casum iuris, cap. Is qui, de sent. excom. lib. 6. Speculator in iur. de dispensat. §. Iuxta, num. 22. & cum odiosa sit, & penalis, restringenda est, non laxanda, cap. Poena, de penit. distinct. 1. cap. Obit. de regul. iur. lib. 6.

laicis: & hoc potissimum fundamentum huic opinioni adherent complures Theologi, & in specie Petr. de Palud. in 4. sent. dist. 18. qu. 4. vers. Quintus effectus, & q. 7. art. 3. conclus. 2. Richard. de Media villa, ead. dist. 18. art. 7. qu. 5. Gabriel ibid. q. 2. art. 3. Sot. in cap. 4. dist. 22. qu. 3. art. 1. conclus. 5. Alfen. in summa p. 2. lib. 7. tit. 10. qu. 1. S. Antonin. 3. p. tit. 22. de Irregular. cap. 1. §. De Subdiaconatu, Tabiena in Ver. Suspendio, n. 3. & Clarus n. 10. & alij apud Sylvestr. ver. Irregularitas, n. 15. & complures moderni, & ex Canonistis Covarr. in c. Alma mater p. 1. §. 6. n. 9. vers. Decimo, de sent. excom. lib. 6. Pro hac sententia S. Antoninus, & Tabiena allegant etiam S. Thomam, qui tamen videtur potius oppositum sentire, ut dicam infra num. 16. in fin.

Verum quidquid subtilizetur, ut inquit Hostiensis hic n. 4. certum est etiam Clericos minorum Ordinum censura irreitos ministrando in aliquo ex dictis Ordinibus, irregularitatem incurere. Quod probatur primo in hoc textu, qui non tantum loquitur de Presbytero, sed etiam de alijs Clericis, qui aliquid de ministerio sibi interdicto agere præsumpserint, & in cap. Clerici, in cap. Fratemitati, ibi, Presbyteros autem, & alios Clericos, & in cap. Posulastis, §. Quævisistis, infra eod. in cap. 1. §. Sciturus, de sent. & re indicat. lib. 6. cap. Cum medicinalis, §. Caveant, & cap. Is cui, §. Is sent. excom. eodem lib. quæ Jura de Presbyteris, & Clericis indistincte loquuntur sicut hæc rubrica, quæ non inscribitur de Presbytero, vel Diacono, &c. sed de Clerico excommunicato, deposito, vel interdicto ministrante: Clericorum autem appellatione absque dubio veniunt Clerici minorum Ordinum, c. Cleros, 21. dist. cap. De persona in fin. tit. 1. præsertim cum ponuntur ad differentiam Presbyterorum, ut hic, & in c. seg. unde, ut inquit Host. ibi supra: Jus generaliter, & indistincte loquens, generaliter, & indistincte intelligitur, nisi per aliud distinguatur, l. 3. ff. de offic. Præsid. cap. Quia circa, infra de privileg. Qui ergo dixerit constitutum in minoribus irregularitatem contrahere, sicut & alios non creditur ei, nisi ostendat jus, quod ipsos expressè eximat, quod, ut ipse putat, nunquam est reperire.

Secundo hoc videtur expressum in cap. Episcopus, in fin. tit. 9. ubi non tantum Episcopi, Presbyteri, Diaconi, & Subdiaconi, sed & reliqui gradus à Synodo depositi prohibentur ministrare, nisi in reparatione sua recipientur ea, quæ in ordinatione preceperant, ubi glof. in ver. Reliqui notat quod aliquem deponi à maioribus Ordinibus, sicut à minoribus, & allegat jura concordantia. Ad idè allegatur textus in cap. Si quis Episcopus in Concilio, ead. caus. & quæsi. ubi deicitur à Clero Presbyter, vel Diaconus, qui oblationem, vel matutinum, aut vesperinum sacrificium quasi in officio suo agit sicut prius, & sic etiam ministeria, & functiones minorum Ordinum inducunt irregularitatem, ponderando ista verba, sicut prius, prout intelligunt hoc casu glof. prima in cap. 1. supra eadem, Innocent. & alij infra citandi n. 13. Host. n. 4. Abb. eodem n. & communiter Doctores.

Tertio, ad hanc partem inducitur bonus textus in cap. Ad audientiam, supra de homicid. nam Presbyter ille, de quo dubium erat, an esset irregularis, absolute prohibetur ministrare in sacris Ordinibus, & post peractam penitentiam ex in-

dulgentia conceditur ut possit ministrare in minoribus, ut demonstrat illa verba: Poteritis concedere, ut minoribus Ordinibus sit contentus, ubi glof. ultima exponit, poterit concedere, scilicet dispensative, ut in cap. Continebatur eodem tit. & cum glof. transeunt ibidem Jo. Andr. num. 7. & alij communiter, licet in eo casu, scilicet homicidij casualis, & dubij possit Episcopus dispensare, secundum Host. ibi, n. 4. ubi exponit ver. Concedere, idest jure suo, & quod de minoribus agit: nam in sacris non dispensat nisi Papa ut d. cap. Continebatur, & sequitur Joan. Andr. in eodem cap. Ad audientiam, in fin. vers. Putat tamen Host. secus in homicidio v. luctario, ut cap. Miror. so. dist. Quæmadmodum ergo irregularis absque dispensatione prohibetur ministrare in Ordinibus, ita suspensus, excommunicatus, vel interdictus ministrando in illis irregularitatem incurrit, ut in cap. Is cui, de sent. excom. lib. 6. cum concord. supracitatis.

Quarto, ad idem est decretum Concilij Tridentini cap. 17. sess. 23. quod præcipit Episcopis, ut ad minorum Ordinum ministeria assumant Clericos celibes, si præstò sint, & in eorum defectum sufficiant Clericos conjugatos, dummodo non sint bigamini. Atque ita hujusmodi ministeria interdicta sunt irregularibus, & sic etiam censura irreitis: & hinc fit, ut Clerici, qui cum censura in prædictis Ordinibus ministrant, irregularitatem incurrant, per hoc cap. ubi irregulares declarantur qui aliquid de ministerio sibi interdicto agere non verentur.

Quinto, hoc videtur expressum in Constitutione 91. Sixti V. Sanctissimi, & salutare, contra Clericos male, & simoniacè promotos in Bulla, tom. 2. pag. 651. quæ Clericos etiam primæ Tonsuræ male promotos perpetuo suspensos declarat ab executione ministerio, & exercitio Ordinum susceptorum: hæc in eis ministrare præsumpserint, illos sic irregulares effectos omnibus officiis, & beneficijs privat; ubi ponderanda sunt illa verba, sic irregulares effectos, quæ demonstrant Papam non sufficere de novo irregularitatem, sed supponere Clericos sic ministrantes jam esse irregulares effectos: & ita est ibi casus expressus, quod Clericus minorum Ordinum suspensus si illius ministrat, irregularis efficitur: & quamvis hæc Bulla quoad alios male promotos fuerit revocata à Clemente VIII. in sua Constitutione 4. Romanum Pontificem, in Bulla, tom. 3. pag. 54. tamen salva remanet quoad simoniacè ordinatos, ut ibi in §. 2. & sic tales cum suspensione ministrantes in Ordinibus minoribus supponuntur jam irregulares effecti in Bulla Sixti hæc in parte per Clementem minime revocata.

Sexto, & ultimo, Ordines omnes tam sacri, quæ minores unum constitunt sacramentum, scilicet Ordinis, Concilium Tridentinum de Sacramento Ordinis sess. 23. cap. 1. & 2. & in quantum sunt sacramentum, omnes ordinantur ad Sacramentum Eucharistie. S. Thomam 4. sent. distinct. 24. quæst. 3. art. 2. qu. 2. in corp. & in 2. 2. qu. 4. art. 2. videm in corp. singuli habent suam materiam, & formam à Christo Domino institutam, Concilium Florentinum in Decreto Fidei Eugenij IV. §. Sextum Sacramentum, & scripsi in c. Cum venissent, num. 28. supra de Sacra Vch. Item singuli habent suas peculiare functiones à temporibus Apollistorum in Eccle-